

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1) alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-501-2/19. od 12.04.2019.god., ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa VD Direktor Mr. Zijad Memišević (u daljem tekstu: Ugovorni organ)
2. **Klub za praktično streljaštvo i taktički trening „POINT“, ul. Igmanskih bataljona br. 35., Sarajevo-Ilidža**, broj upisa u registar udruženja kod Ministarstva pravde i uprave Kantona Sarajevo: 03-05-05-14972/07 od 07.12.2007. god., identifikacijski broj kod Porezne uprave FBiH Kantonalni ured Sarajevo 4201293100004, koga zastupa predsjednik Kluba, Bjelonja Mirza (u daljem tekstu: Vršilac usluga),

Dana 12.04.2019., zaključuju

### UGOVOR O VRŠENJU USLUGA

#### Član 1.

Ugovorne strane su saglasne da Vršilac usluga, u skladu sa svojom Ponudom broj:02/19 od 10.04.2019.god. i zahtjevom Ugovornog organa, vrši usluge **obavljanja periodične provjere sposobnosti rukovanja vatrenim oružjem i provjere fizičke sposobnosti za 7 (sedam) zaposlenika unutrašnje službe zaštite Ugovornog organa** i to:

1. Provjera sposobnosti rukovanja oružjem 2019. i 2021. godine.
2. Provjera fizičke sposobnosti 2019. i 2021. godine.

#### Član 2.

Ukupna ugovorena vrijednost ovog Ugovora iznosi **832,00 KM** i ista obuhvata:

1. Provjeru sposobnosti rukovanja oružjem 2019. godine, u iznosu **236,00 KM**,
2. Provjeru sposobnosti rukovanja oružjem 2021. godine, u iznosu **236,00 KM**,
3. Provjera fizičke sposobnosti 2019. godine, u iznosu **180,00 KM**,
4. Provjera fizičke sposobnosti 2021. godine, u iznosu **180,00 KM**.

#### Član 3.

Vršilac usluga se obavezuje da ugovorene usluge izvrši u skladu sa važećim Pravilnikom o načinu organiziranja periodične provjere sposobnosti rukovanja oružjem, zdravstvene i psihofizičke sposobnosti zaposlenika agencija za zaštitu ljudi i imovine, a na osnovu Programa obuke, odobrenog od strane Federalnog Ministarstva unutrašnjih poslova.

Periodična provjera sposobnosti rukovanja vatrenim oružjem i provjera fizičke sposobnosti će obuhvatiti praktičnu i teoretsku provjeru i istu će obaviti ovlaštena lica Vršioca usluga (instruktori).

Ugovorne strane će sporazumno utvrditi tačne termine za periodične provjere, a najkasnije sedam dana prije obavljanja planiranih periodičnih provjera.

#### Član 4.

Vršilac usluga se obavezuje da nakon izvršenih periodičnih provjera sačini zapisnike, koje će Ugovorni organ dostaviti Ministarstvu unutrašnjih poslova Federacije BiH.

#### Član 5.

Ukoliko u toku izvršenja ovog Ugovora nastupe okolnosti koje se u vrijeme njegovog zaključenja nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi nove rokove za završetak ugovorenih obaveza.

O nastalim nepredviđenim okolnostima ugovorne strane su dužne da odmah pismeno obavijeste drugu ugovornu stranu.



Član 6.

Ugovorne strane su saglasne da se u periodu važenja ovog Ugovora cijene usluga, precizirane članom 2., neće mijenjati.

Član 7.

Ugovorni organ se obavezuje da će plaćanje za obavljene usluge vršiti nakon izvršene usluge, u roku od 15 dana od dana prijema fakture-računa, na transakcijski račun Vršioca usluga, broj: 1549212000660885, otvoren kod Intesa Sanpaolo Bank d.d. Sarajevo.

Član 8.

Ugovorne strane se obavezuju na pridržavanje zakonskih propisa, čuvanje poslovne tajnosti i pridržavanje poslovnih običaja.

Član 9.

Ovaj Ugovor se primjenjuje od dana obostranog potpisivanja.

Član 10.

Sve izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 11.

Ovaj Ugovor se može otkazati pismenim putem i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih obaveza nastalih po osnovu Ugovora.

Član 12.

Ugovorne strane su saglasne da se ovaj Ugovor smatra raskinutim prijekom pismenog obavještenja o otkazu Ugovora.


Član 13.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 14.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

VRŠILAC USLUGA

  
\_\_\_\_\_

Broj: \_\_\_\_\_

Datum: 12. 04. 2019





UGOVORNI ORGAN

Broj: 12-501-1/19

Datum: 12.04.2019.godine.